



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Saxonia Catholica, Hoc Est Christianae Fidei, Qvam Ad  
Salvtem Animarvm Aviti Avgvstae Domvs Saxonicae  
Principes, Reges, & Imperatores coluerunt, Gloriosa  
Confessio**

**Cutsemius, Petrus**

**Coloniae Agrippinae, 1621**

De Conrado Magno, Et Filiis Eivs.

**urn:nbn:de:hbz:466:1-11884**

tuus in Domino Anno 1093. Qui duo inquam Episcopi, cum viuerent, in Catholica ouiculas sibi commissas pauerunt Religionē, quam defuncti posteris quoq; ad animarum suarum salutem voluerunt esse commendatam.

DE CONRADO MAGNO, ET  
FILIIS EIVS.

**N**OL O præterire Conradum *Magnum*, qui & *pius* cognominatus est, Thimonis filium, Dieterici II. supradicti nepotem. Primus iste sui stemmatis à Cæsare Lothario II Marchio Misniæ inuestitus est Ann. 1126. Effecit hoc magna illius virtus: sed quid admiranda eiusdem in sancta Catholica religione pietas? vt viduus postea inuestiretur inter fratres laicos monachus in cænobio Lauterbergiano, quod ipse absoluit, & liberalissimè dotauit, & in quo mortalem hanc vitam finiuit 5. Febr. An. 1156. Huius Cōradi Pij numerosa proles fuit, sed similiter pia; Primogenitus eius filius Otto Marchio Misniæ, cognomento *Diues* à fortunatis metallorum fodinis appellatus, ob quarū inuentionē Fribergā cōdidit, Lipsiam, & Isenburgū muris cinxit. Sed quod ad propositū nostrū spectat, princeps pius Cænobia fundauit duo, vnum in Thuringia, quod Portam vocant,

alterum Veterem cellam ad Muldam in syluosis vallibus, in qua & sepultus est 18. Februarij, Anno 1189. Secundo-genitus Theodoricus III. Marchio Landsbergæ, & Lusatiæ, fundator Cœnobij Dobralucæ ad Eliftrum nigrum, cuius filius æquiuocus Theodoricus, insignis fuit in Ecclesia Dei Prælat, Episcopus Mersburgensis, qui nomen habet apud scriptores viri pij, & docti. Tertio-genitus est Hermannus, Episcopus Bambergensis. Filia quoq; eiusdem Conradi religiosissimæ: Bertha, Abbatissa Gerbsteti: Gertrudis, quæ post obitum mariti, Hermannii Principis Palatini ad Rhenum, Cœnobium S. Theodori Bambergæ exstruxit, in quo vidua reliquum vitæ pensum absoluit: Oda Monialis, & post obitum sororis, Abbatissa Gerbsteti, Agnes Abbatissa Quedlinburgi. Vna adhuc, & altera in S. Coniugio diem obierunt.

---

DE HENRICO ILLUSTRIS, ET  
FILIO EIVS THEODORICO.

EIVSDEM Conradi ex filio primogenito, Ottone, & Theodorico IV. nepote pronepos fuit Henricus, qui ob res gestas *illustris*, ob liberalitatem verò *Munifici* cognomētum accepit, primus suæ familiæ Landgravius Thuringiæ. Is contra Prutenos necdum ad fidem